

Rapport annual dil cau dils juniors

Era per ils juniors e las junioras dil club da Tennis ei igl onn 2020 staus in tut special. Ord ils motivs enconuschents da COVID-19 ha la sesiun da tennis per ils juniors per entschiet en la fin dalla stad.

Entschiet ha la sesiun 2020 cun l'organisaziun dils trenaments dils juniors e las junioras.

Trenament

Miez Mars ein ils taluns d'annunzia vegni reparti el consorzi da scola Trun/Sumvitg sco era secret ora el Fegl ufficial. Era eisi vegni schau ir in mail a tut ils participonts dils davos onns. Nus havein retschiert totalmein 10 annunzias, 6 kids e 4 juniors e junioras. Il diember d'annunzias ei staus ualti pigns, quei che ha segir e franc era da far empau cun il virus da corona.

Previu era ei d'entscheiver cun ils trenaments l'entschatta matg. Denton ha il virus da corona fatg in streh atras il quen. Entschatta uost han ils trenaments finalmein saviu ir liber.

Ils kids ein vegni trenai da Daniel Maissen en ina grappa la mesjamna suentermiezdi. Suenter siat trenaments han ils affons dau la otgavla ga in pign turnier da finiziu.

Ils juniors e las junioras dad 11-18 onns ein vegni trenai da Milena e Tamara Derungs. Magari han ellas manau atras ils trenaments ensemes e magari persulas. Cun quater annunzias havein nus fatg ina grappa da trement mintgamai la gievgia sera naven dallas sis tochen las siat. Els han giu 10 seras da trement. Per terminar la sesiun da tennis organisavan nus normalmein adina in turnier da finiziu fin settember. Uonn ei quei denton buca stau pusseivel muort il virus da corona.

Engraziar lessel jeu alla Milena, alla Tamara sco era al Daniel per lur super laver e lur grond engaschi a favur da nos juniors. Senza vus fuss tut quei buca stau pusseivel!

La tscheina da finiziu havein nus deplorablamein era buca saviu far. Quella ei denton previda da prender suenter egl onn 2021.

Interclub da juniors/as

Igl onn 2020 havein nus saviu annunziar ina gruppera pigl Interclub da juniors.

Tier las giuvnas vein giu ina gruppera ella liga B ella categoria U18.

Quei ein Dania Petschen, la Luana Pally e la Natascha Wolf.

Ellas han gudignau omisduas partidas encunter Grabs ed Untervaz. Totalmein han elllas fatg 5 puncts da 6 posseivels. Aschia han elllas fatg las empremas en lur gruppera. Cordiala gratulaziun!

18&U Girls Liga B - Gruppe 1

Resultate

Runde	Datum			
G1	28 Juni	Trun	Grabs	<u>2:1</u>
G2	16 Juli	Untervaz	Trun	<u>0:3</u>
G3	15 August	Grabs	Untervaz	<u>1:2</u>

Rangliste

		Pt	Sätze
1	Trun	5	10-4
2	Untervaz	2	6-9
3	Grabs	2	5-8

Tier ils giuvens havein deplorablamein saviu annunziar neginas equipas.

Cader regiunal

Igl unviern 2019/2020 ha ei dau negin cader regiunal, quei ord munconzas dad annunzias.

Camp da tennis

Il tennis-camp Surselva ei vegnius menaus atras duront la stad en treis loghens ella regiun Surselva. Igl onn 2020 ei quei stau a Trun, a Mustér e a Glion. Giugadurs entscheviders ni pli avanzai ord l'entira regiun san separtizipar al camp. Il Camp a Trun ha giu liug naven dils 20 – 24.07.2020. A quel han 5 juniors e junioras dil contuorn da Trun priu part. Da nies club ha denton mo in junior priu part.

Program per la proxima sesiun

Per la sesiun 2021 ein ils trenaments da juniors/as puspei previ sco tochen dacheu. Entginas gruppas vegnan speranza era a separticipar agl Interclub da juniors.

Per la Milena, la Tamara ed il Daniel eisi stau la davosa sesiun ch'els ha trenau nos juniors e nossas junioras. Ad ellas ed ad el lessel jeu engraziar zun fetg per la lavur prestada ils davos onns en favur da nos juniors e nossas junioras.

Per la sesiun 2021 havein denton gia anflau trenaders e trenadras. Ils kids sco era ils juniors e las junioras vegnan trenai danovamein dalla Tajana Pfister. Gia ordavon in grond engraziament ad ella per lur engaschi en favur da nos juniors e nossas junioras.

Tuttina essan nus adina puspei alla tscherca da trenaders, cunzun per ils juniors. Igl ei fetg impurtont d'anflar persunas ch'ein promtas da trenar nos pigns e giuvens ch'ein il futur dil club. Jeu selegrel da mintgin che s'annunzia tier mei sch'el ha interess da daventar trenader.

Abdicaziun

Suenter 4 onns sco cau da juniors seretilel jeu da miu uffeci e surprendel il post da meinagiug sco era meinaturnier. Miу successur daventa Simon Lechmann. Jeu suppliceschel ad ils trenaders, geniturs sco era als juniors da dar ad el il medemamein sustegn sco quei ch'jeu haniel astgau guder.

Jeu lessel engraziar a vus tuts per la fetg buna collaboraziun duront quels quater onns e giavischar a miu successur Simon tut bien en siu niev uffeci. Stei sauns e sin seveser sil plaz da tennis a Trun.

Turitg, ils 7 da mars 2021

Simon Decurtins